

## Script Of Evening Gojri News Bulletin 13 June 2024 at 1700 Hrs

ایوننگ گو جری نیوز بلیٹن مورخہ 13 جون 2024

\*\*\*\*\*

یوہ آکا شوانی جموں ہے محمد سفیرتے اظہر حسین تیں خبر سُنو۔ پہلاں خاص خاص خبر۔

\*\*\*\*\*

- \* 1- وزیر دفاع رجناتھ سنگھ نے کہیو ہے جے سرکار آئندہ 5 سالان مانہہ دفاعی آلات غی برآمدگی 50 ہزار کروڑ روپیہ تک گی کرنو چاوے۔
- \* 2- جموں غا بکھ بکھ علاقان مانہہ دہشت گردان نانہہ مار مکان غی خاطر بڑا پیمانہ ور تلاشی کاروائی جاری ہے۔ اور پولیس نے 4 دہشت گردان غو سکیچ جاری کر غے ان بارے اطلاع دین آلاں واسطے 5 لکھ نقدی انعام مختص کیو ہے۔
- \* 3- جموں کشمیر غا سکولان واسطے قومی ترانو لازمی قرار دتو ہے۔
- \* 4- سپریم کورٹ غی ہدائیت غے مطابق 1563 طلباء نانہہ نیٹ امتحان مانہہ دتا گیا رعایتی نمبر خارج کر دتا ہیں۔ اور ان غو نویں سرین امتحان آئندہ 23 جون نانہہ وے گو۔

\*\*\*\*\*

خبران غی تفصیل نال پہلاں محمد سفیر۔

### Rajnath Singh Charge

وزیر دفاع راجناتھ سنگھ نے کہیو ہے جے سرکار آئندہ 5 سالان مانہہ دفاعی آلات غی برآمدگی 50 ہزار کروڑ روپیہ تک کرنو چاوے۔ اج انہاں نے وزارت گو عہدو سنبھالتان وان کہیو جے سرکار مُلک نانہہ اتم نربہر بھارت بنان اور دفاعی نظام غی مزید مضبوطی نانہہ ترجیحی بنیاداں ور رکے گی۔ انہاں نے وزارت غا آئندہ 100 تہاڑاں گا لائحہ عمل بارے اک میٹنگ غی وی صدارت کر غے کئی اہم معاملات بارے گل بات کی۔ دفاعی معاملان مانہہ سمندری علاقہ غی اہمیت نانہہ خصوصی طور ور اُجاگر کیو اور انہاں نے براجمان ہون تیں بعد وشاکھا پٹنم مانہہ مشرقی بحریہ کمان غا دورہ لان بارے وی اظہا رکیو۔

\*\*\*\*\*

### JK Security Forces Intensify

ضلع ڈوڈہ غا گندھو کوٹہ ٹاپ علاقہ مانہہ حفاظتی دستاں نے تلاشی کاروائی جاری رکھی وی ہے یاہ تلاشی کاروائی گذشتہ کل رات حفاظتی دستاں تے دہشت گردان غے مابین گولی باری گا تبادلہ تیں بعد کی گئی۔ اور اس ٹاکرہ مانہہ 1 ایس او جی کا انسٹیبل زخمی ہو گیو تھو۔ اس تیں بعد دہشت گردان نانہہ لوڑن واسطے بڑا پیمانہ ور تلاشی کا روئی جاری ہے۔ اور جگہ جگہ ور ناکالا غے گڈیاں نانہہ وی دیکھیو جا رہیو ہے۔ یاد رہ جے مذکورہ ٹاکرو گذشتہ کل شام 8 بج غے 20 منٹ ور شروع ہوؤ تھو تے پولیس نے اس تصادم مانہہ ملوث 4 دہشت گردان غا سکیچ وی جاری کیا ہیں۔ اور اعلان کیو ہے جے جہیڑو ان دہشت گردان بارے معلومات فراہم کراوے گو۔ اس نانہہ 5 لکھ روپیہ دتا جائیں گا اور اُس غی پشان خُفیہ رکھی جائے گی۔

\*\*\*\*\*

### Terrorist Sketch

جموں کشمیر پولیس نے ضلع ڈوڈہ مانہہ 2 دہشت گردانہ حملان مانہہ ملوث 4 دہشت گردان غی تلاش کرن نانہہ تیز کر دتو ہے۔ حُکام نے اُن مشتبہ دہشت گردان غو خاکو جاری کیو ہے۔ جہیڑا بہدرواہ، ٹھاتھری اور گندھو غا پہاڑی علاقان مانہہ چھپیا وا ہیں۔ پولیس غی

طرفوں ان دہشت گردان غی گرفتاری غو باعث بنن آلی کوئی وی معلومات فراہم کرن ور 5 لکھ روپیا انعام دین غو اعلان کیو ہے۔ واضح رہ جے ضلع ڈوڈہ غا گندھو علاقہ مانہہ ہالیہ تصادم توں بعد گڈیاں غی تلاشی اور ناکا تلاشی کی جا رہی ہے اور پولیس غی طرفوں مختلف افسراں غا رابطہ نمبراں غی فہرست وی سانجھی کی گئی ہے جس مانہہ شہریاں ورزور دتو گیو ہے کہ وے ان دہشت گردان غی سُو یاہ نقل و حرکت غی اطلاع دے سکیں۔ پولیس اہلکاراں غی طرفوں فراہم کیو ایس ایس پی ڈوڈہ غو فون نمبر ہے 9469076014 جس ور فوری طور رابطو کیو جا سکے۔

\*\*\*\*\*

### Rajouri Poonch CASO

شیو کھوڑی جان آلا یا تریاں غی گڈی ور گولی چلان آلا دہشت گردان نانہہ لوڑن واسطے ضلع ریاسی تے راجوری مانہہ بڑا پیمانہ ور تلاشی کا روئی جا رہی ہے۔ آکا شوانی جموں غا نمائندہ غی اطلاع غے مطابق 9 جون نانہہ ہوا اسحادثہ مانہہ کل 9 افراد جاں بحق ہوا تھا۔ جد کہ 43 زخمی۔ ہُن تک اتنی معلومات لہی ہے جے اس معاملہ مانہہ 2 تیں 3 دہشت گرد ملوث تھا۔ جہیڑا جائے حادثہ تیں راجوری یاہ ریاسی آلے پاسے نس گیا ویں گا۔ اور آخری اطلاع لہن تک ان دہشت گردان بارے کا ئے سُو میسر نہیں ہوئی ہے۔

\*\*\*\*\*

### Jammu Region Attack

پچھلا 96 گھنٹاں غے دوران جموں خطہ مانہہ 5 دہشت گردانہ حملہ ہوا ہیں جن مانہہ کٹھوعہ اور ریاسی ضلعان مانہہ 2 دہشت گرد ماریا گیا اور 1 سی آر پی جوان شہید تے 9 شہری جاں بحق ہوا اور کئی زخمی ہوا ہیں۔ آکا شوانی جموں غا نامہ نگار نے خبر دتی ہے جے جموں خطہ مانہہ دہشت گردانہ حملہ مانہہ حفاظتی دستاں غا 7 اہلکار بشمول 5 فوجی 1 ایس پی او 1 پولیس اہلکار تے 42 عام شہری زخمی ہوا ہیں۔ حفاظتی دستاں نے گذشتہ روز 2 دہشت گردان نانہہ مار مکایو ہے تے تصادم مانہہ سی آر پی ایف اہلکار کٹھوعہ ضلع غا ہیرا نگر سیکٹر مانہہ شہید ہو گیو۔ جموں زون غا ایڈیشنل ڈائریکٹر جنرل آف پولیس آنند جین نے دسیو کہ 2 دہشت گرد جنہاں نے حال ہی مانہہ در اندازی کی ہے نے اک گھر مانہہ داخل ہو غے پانی لیو تاں دہشت گردان غی موجو دگی غی اطلاع ملتاں ہی ایس ایچ او اور ایس ڈی پی او ٹیم موقع ور پُج گئی اور تصادم شروع ہو گیو جس کا نتیجہ مانہہ 2 دہشت گرد ماریا گیا ہیں۔

\*\*\*\*\*

### CS DRC

چیف سیکریٹری اتل ڈلو نے گذشتہ کل نو تقسیم کار کمیٹی یعنی ڈسٹریبیوشن ریفارم کمیٹی غی میٹنگ کر غے اصلاحی تقسیم کار سیکٹر اسکیم غا کم کاج غو جائزو لے غے ہوئی مانہہ تقسیم کار غے دوران ہون آلا نقصان نانہہ کہٹ کرن غی اہمیت ور زور دتو۔ انہاں نے کہیو جے اس سکیم غے تحت یوٹی غا بجلی سیکٹر مانہہ بہتری رونما وے گی۔ انہاں نے کہیو جے بجلی غا تکنیکی تے نجی نقصان نانہہ کہٹ کرن غے نال اس سیکٹر مانہہ انقلاب رونما وے گو۔ اور متعلقہ افسراں نانہہ تلقین کی جے وے اس قدم غی خاطر اپنو کردار بخوبی نبھاویں۔ اور اس قدم نال جموں کشمیر غے اندر بجلی بصورت ذخیرہ موجو درہ گی۔

\*\*\*\*\*

RBI Regional Director

جموں کشمیر لداخ واسطے آر بی آئی غا ریجنل ڈائریکٹر چندر شیکھر آزاد نے گذشتہ کل شہری کا پورٹیو بینک غا ٹاسک فورس غا 33 ویں میٹنگ غا صدارت کی۔ اس دوران انہاں نے اربن کاپورٹیو بینک غا مالی صورتحال غا وی جائز و لیو۔ ڈائریکٹر موصوف نے کہیو جے مذکورہ بینک غا متعلقہ افسراں تے جموں کشمیر سرکار غے مابین اجتماعی کوشش غا لوڑ ہے۔ انہاں نے زور دتو جے مذکورہ بینک نانہ اُدھار غا ویلے سر واپسی تے مالیت غا نواں راہ اختیار کرنا چاہیے۔

\*\*\*\*\*

یہ خیر تم آکا شوانی جموں تیں سُن رہیا ہیں خبراں غا باقی حصہ نال اظہر حسین۔

### JK National Anthem

محکمہ اسکولی تعلیم نے جموں کشمیر غا اسکولاں مانہ سویرے غا پرنٹر یعنی ما رنینگ اسمبلی واسطے نویں ہدایات جاری کی ہیں۔ ان ہدایات غے مطابق روزانہ ما رنینگ اسمبلی غا شروعات قومی ترانہ تیں وے گی۔ نویں تعلیمی پالیسی 2020 غے مطابق طلباء غا ہنر نانہ فروغ دین خاطر 4/3 طلباء اور 1 اُستاد روزانہ غا اہم معاملات و ر لو کہلین گا۔ اور اسمبلی واسطے 20 منٹ مختص رکھیا گیا ہیں۔

\*\*\*\*\*

### NEET Retest

انٹر گریجویٹ نیٹ واسطے 1 ہزار 5 سو 63 طلباء غا دوبارہ امتحان رواں مہینہ غا 23 تا ریخ نانہ کرایو جائے گو۔ این ٹی اے نے دسیو ہے جے مذکورہ طلباء نال ای میل غے ذریعے رابطو کیو جائے گو۔ اور دسیو گیو ہے جے یوہ فیصلو عدالتِ عظمیٰ غا ہدایت غے تحت کیو گیو۔ مرکزی وزیر برائے تعلیم نے کہیو ہے جے نیٹ امتحان مانہ کسے وی قسم غا رشوت ستانی نہیں ہوئی ہے۔

\*\*\*\*\*

### Drug Centers

ایڈیشنل میجسٹریٹ جموں انسویہ جمواں تے شیشر گپتا نے نشہ غا لت تیں متاثرین غا علاج واسطے قائم مراکز یعنی ڈرگ ڈی اڈیکیشن سینٹرز غا اچانک دورولا غے متاثرین واسطے بنیا دی سہولیات غا جائز و لیو۔ اس دوران دیکھیو گیو جے کئی مراکز و ر بنیا دی سہولیات غا فقدان ہے۔ اس دورہ غے دوران مذکورہ افسراں غے علا وہ جموں کشمیر پولیس وی موجود تھی۔ فقدان غے پیش نظر مذکورہ افسراں نے مراکز غا کا غذی ریکارڈ ضبط کر لیا ہیں۔ اور مراکز غا متعلقین تیں تفصیل غا مانگ کی ہے۔ ضلع انتظامیہ جموں نے ضلع ترقیاتی کمشنر سچن کمار ویشے غا سربراہی مانہ منشیات مخالف سخت اقدامات چایا ہیں اور انتظامیہ نشہ غا لت تیں متاثرین غا مکمل علاج واسطے کمر بستہ ہے۔

\*\*\*\*\*

### JK CRPF

ضلع رام بن مانہ جموں سرینگر قومی شاہراہ و ر سی آر پی ایف غا اک گڈی نے بیٹری چشمہ غے قریب اگ پکڑ لی۔ آکا شوانی غا نمائندہ نے خبر دتی ہے جے مذکورہ گڈی جموں آرپی تھی اور دسیو گیو ہے جے یوہ حادثو انجن مانہ شارٹ سرکٹنگ غا وجہ تیں ہوؤ اور اس حادثہ مانہ کسے وی جوان نانہ کو ئے نقصان نہیں پُجیو۔

\*\*\*\*\*

### Rajouri Poonch Forset Fire

ضلع راجوری اور ضلع پونچھ مانہہ 3 مقامات ور جنگلات مانہہ آگ لگن غی وجہ نال سبز جنگلات مانہہ بڑا پیمانہ ور نقصان ہوؤ ہے۔ آکا شوانی جموں غا نامہ نگار نے خبر دتی ہے جے راجوری ضلع غا کلر غا جنگلاتی علاقہ مانہہ آگ لگ گئی اور کئی پوداں اور جھاڑیاں مانہہ نقصان پُچھو بے اور راجوری ضلع غا کوٹرنکہ سب ڈیزن غا دھر اور دیگر متعلقہ جنگلاتی علاقان مانہہ منگلوار غی شام مانہہ آگ لگ گئی۔ اسے طرح پونچھ ضلع غا مینڈھر سب ڈویژن غا ناڑ جنگلاتی علاقہ مانہہ آگ لگی جس سنگ سبز ہوؤ تے اجاں تک آگ ور قابو نہیں پایو جا سکیو ہے۔ مقامی لوکاں نے زار مانہہ پہاری نقصان دسیو ہے جے آگ نال متعدد جنگلی جانور جل غے ہلاک ہو گیا ہیں۔

\*\*\*\*\*

## JK SC Football

جموں کشمیر مانہہ فٹبال با رے اک تاریخی قدم غے تحت جموں کشمیر اسپورٹس کو نسل فٹبال اکیڈمی مانہہ آل انڈیا فٹبال فیڈریشن بلیو کبس ترقیات مرکز واسطے چُنیو گیو تھو، جس مانہہ اے آئی ایف ایف نے سال 24/2023 غو بہترین بنیاری مرکز قرار دتو ہے۔ اس قدم غے تحت نوجوان فٹبال کھڈاریاں غا ہنر مانہہ ترقی دتی جا ئے۔ اور اس قدم نال جموں کشمیر مانہہ فٹبال کھڈاریاں مانہہ بہتری رونما وے گی۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔